

Pajo Kanižaj

PET PJESAMA

ŽUFKA, SLATKA PODRAVINA

Drava, Drava,
mrzla voda,
donesla me
k tebi roda!

Na početku
prvok čina
žufka, slatka
Podravina!

Od sreče sem
k zvezdam skakal,
v sebi soze
sem pretakal!

Celog sveta
prestonica
bila za me
Koprivnica!

Na dekličke
tu sem vrebalo,
v najlepšu se
zatelebal!

Pak sem onda
vu svet tišel,
jesi videl
kak sem zišel!

Vu Zagrebu
mi je glava,
al čez srce
dere Drava!

I na kraju
vsakog čina
žufka, slatka
Podravina!

(1977)

MUZIKAŠI

Kak bedaki
prčketari
pušu
vu prčkete.
Na tenko
pak šipi
cvile
kakti
cvilidrete!

Mene pak k bajsu
neki vrag tera —
kaj se meni navek
nekomu kontrera!

(1976)

PREGRIŽNJENA LULA

Z prepusokaljinom
sem po pipi prčkal,
po čistemu paperu
stalno nekaj mrčkal!

Zažmeknul sem
i srce i glavu,
al sem ni našel
onu reč pravu!

Znotra sem se zašvical,
pot je kapala na stol.
Na kraju sem od muke
zarogljicu pregrizel na pol!

I tak negda
puno cajta prejde.
Bi štel nekaj napisati,
al ne ide, pak ne ide!

(1975)

BOSE NOGE

Kupil sem si cipeliše
strajnske po zajdni modli!
Al podravska noga ž njimi
nekak čudno hodi!

Pak se noga zmisli časa
gda se prala v rosni travi,
hodala po dravskem pesku,
namakala palce v Dravi!

Najlepše je bilo v leti —
na tenko nebo švica, švica,
bosa noga blato mesi —
čez se prste zemla šprica!

A denes se moraš zuti
če si hočeš zemlu čuti!

(1976)


ČRNI OBLAKI

Črni se oblaki
vleču po nebi.
Tak tužno zavijaju zvoni
kak da zvoniju sebi!

S cinkuša se razlevle
bečeči cmizdravi din-don,
na kraju se od tuge
na pol raspočil sam zvon!

Ljudi se stišču za obloki
kak da ih je sam vrag strl!
Samo čkomiju i premišlavlu —
što je to hmrl!?

(1975)



(Sunčanica Tuk-Grgić)